

## UGOVOR

### za nabavku usluga otklanjanja kvarova i zamjena neispravnih dijelova na vatrodojavnom sistemu

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i

ProTeam d.o.o., Dr.Silve Rizvanbegović 24B, Sarajevo (u daljem tekstu Dobavljač), kojeg zastupa direktor, Maja Pločo

#### PREDMET UGOVORA

##### Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku usluga otklanjanja kvarova i zamjena neispravnih dijelova na vatrodojavnom sistemu, u skladu sa Odlukom o prihvatanju ponude broj: 03-08-Dž.K.-20873-OPP/18 od 25.06.2018. godine, ponudom Dobavljača broj: AP-006-2018-06-21 od 21.06.2018. godine, Pozivom za dostavljanje ponude broj: 03-08-Dž.K.-20873-PDP-I/18 od 19.06.2018. godine i Odlukom o pokretanju postupka broj: 03-08-Dž.K.-20873-OPDS/18 od 19.06.2018. godine.

#### PREDMET NABAVKE

##### Član 2.

Ugovorena nabavka su usluge otklanjanja kvarova i zamjena neispravnih dijelova na vatrodojavnom sistemu koje koristi Zavod zdravstvenog osiguranja Kantona Sarajevo a koji se nalaze na adresi Ložionička broj 2 i u Poslovnici Novi Grad - Novo Sarajevo na adresi Zmaja od Bosne bb, a koje moraju da zadovoljavaju tehničke karakteristike i količine kako je navedeno u sljedećoj tabeli:

Redni broj	Naziv predmeta	Količina
1.	Centrala MCU 211A-48	1
2.	Tastatura MIC 732	1
3.	Automatski javljač	103
4.	Ručni javljač	13

#### OBAVEZE UGOVORNIH STRANA

##### Član 3.

Dobavljač se obavezuje isporučiti robu/pružiti usluge koje su predmet ovog ugovora, koje kvalitetom u svemu odgovaraju karakteristikama preciziranim u Pozivu za dostavljanje ponuda broj: 03-08-Dž.K.-20873-PDP/18, na način i u rokovima regulisanim ovim ugovorom i ponudom Dobavljača na adresu koju odredi Ugovorni organ.

##### Član 4.

Ugovorni organ se obavezuje da nakon primljene robe/pružene usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanju ponude broj:03-08-Dž.K.-20873-OPP/18, ponudom Dobavljača broj: AP-006-2018-06-21 od 21.06.2018. godine.

Član 5.

Cijena nabavke usluga koje su predmet ovog ugovora iznosi **5.863,60 KM bez PDV-a**, odnosno **6.860,41 KM sa PDV-om**, prema tabelarnom pregledu:

R.b	Naziv i opis	Količina	Jedinična cijena bez PDV-a	Ukupna cijena bez PDV-a
Komponenta 1 Zgrada Direkcije Ložionička 2	Isporuka detektora požara tip MCD573 ili 573x proizvođača Securiton	8	89,00	712,00
	Baterija za matičnu ploču centrale	2	11,30	22,60
	Napojna jedinica sa baterijskom podrškom 220V AC/27.6V DC 5A sa priključnim kablovima	2	250,00	500,00
	Isključenje centrale, funkcionalni reset sistema, dijagnostika kvarova na petljama 1,2,3 i 4 sistema, utvrđivanje lokacije kvara, ispravke eventualnih grešaka zbog pada napona, parallel wiring, kratak spoj itd...	1	1.850,00	1.850,00
	Izmjena neispravnih komponenti, učitavanje ostalih petlji			
	Pripremni radovi za izradu konfiguracije sistema: Utvrđivanje lokacije svih uređaja pomoću Line diagnose uređaja, utvrđivanje pripadnosti LINE modulina, unos tekstova, izrada konfiguracije u skladu sa režimom rada objekta, puštanje u rad sistema vatrodajave.	1	850,00	850,00
Funkcionalno ispitivanje sistema vatrodajave od strane ovlaštene organizacije i izdavanje zapisnika o ispravnosti vatrodajavnog sistema	1	380,00	380,00	
<b>Cijena za Komponentu 1</b>				<b>4.314,60</b>
Komponenta 2 Poslovnica Novi Grad/Novo Sarajevo Zmaja od Bosne bb	Isporuka detektora požara tip MCD573 ili 573x proizvođača Securiton	2	84,00	168,00
	Isporuka podnožja detektora požara tip USB501-1 proizvođača Securiton	2	9,00	18,00
	Isporuka modula za ručni javljač požara tip SDI82 ili SDI82x proizvođača Securiton	3	71,00	213,00
	Isporuka kućišta ručnog javljača crvene boje sa mogućnošću reseta (bez razbijanja/izmjene stakla) i ključem, C.NO.NC kontakti	3	35,00	105,00
	Isporuka i polaganje materijala: PVC crijevo gumirano promjera 20mm (euroflex)	60	1,95	117,00
	Isporuka i polaganje materijala: vatrodajavni kabl tib vodiča JB-Y (St)Y 2x2x0,8 mm	100	1,70	170,00
	Isporuka i polaganje materijala: PVC kanalica samoljepljiva ADH 25x16 mm	2	4,00	8,00
	Isključenje centrale, funkcionalni reset sistema, dijagnostika kvara na petlji šalter sale, utvrđivanje lokacije kvara, ispravke eventualnih grešaka zbog pada napona, parallel wiring, kratak spoj itd...	1	450,00	450,00
Izmjena neispravnih komponenti, učitavanje ostalih petlji i uvezivanje u postojeći sistem.				
Pripremni radovi za izradu konfiguracije sistema: Utvrđivanje lokacije svih uređaja pomoću Line diagnose uređaja, utvrđivanje pripadnosti LINE modulina, unos tekstova, izrada konfiguracije u skladu sa režimom rada objekta, puštanje u rad sistema vatrodajave.	1	300,00	300,00	
<b>Cijena za Komponentu 2</b>				<b>1.549,00</b>



Ukupna cijena za Ugovor bez PDV-a	5.863,60
Popust	/
Ukupna cijena za Ugovor sa popustom bez PDV-a	5.863,60
PDV na cijenu ponude (sa uračunatim popustom)	996,81
Ukupna cijena za Ugovor sa PDV-om	6.860,41
Ukupna cijena za Ugovor sa PDV-om riječima: šestiljadaosamstotinašezdeset 41/100	

Dobavljač se obavezuje da će usluge iz stava 2. ovog člana pružiti po ukupnoj cijeni u kojoj je uračunat PDV, i svi drugi zavisni troškovi.

Plaćanje izabranom ponuđaču će se izvršiti na temelju stvarno izvedenih radova/pruženih usluga i količina, u skladu s ugovorenim jediničnim cijenama i zapisnikom o izvršenim radovima/radnim nalogom.

#### Član 6.

Plaćanje izabranom ponuđaču će se izvršiti nakon dostavljenosti ispravne fakture za izvedene radove/pružene usluge, na žiro račun ponuđača, u roku do 60 dana od dana dostavljanja fakture i Zapisnika sa potvrdom/atestom o ispravnosti i funkcionalnosti automatskog sistema za dojavu požara.

### ISPORUKE ROBE/PRUŽANJE USLUGE

#### Član 7.

Robe/usluge koje su predmet ugovora, Dobavljač je dužan pružiti u roku do 7 dana (sedam) dana od dana dostavljene narudžbenice.

Sve usluge koje su predmet ugovora, moraju biti pružene u skladu sa Zakonom o zaštiti od požara i vatrogastvu („Službene novine Federacije BiH“, broj 64/09) i Pravilnom o obimu i postupku provjere i ispitivanja ispravnosti i funkcionalnosti ugrađenog sistema aktivnog zaštite od požara, uvjetima koje moraju ispunjavati pravna pravna lica koja vrše ispitivanja ispravnosti i funkcionalnosti, kao i programu i načinu polaganja stručnog ispita za obavljanje tih poslova („Službene novine Federacije BiH“, broj: 69/13).

#### Član 8.

Dobavljač je u obavezi da nakon izvršenog otklanjanja kvarova i zamjene neispravnih dijelova na vatrodjavnom sistemu, Zapisnički izvrši provjeru i ispitivanje ispravnosti i funkcionalnosti ugrađenog sistema aktivne zaštite i Ugovornom organu izda potvrdu-atest o ispravnosti i funkcionalnosti automatskog sistema za dojavu požara.

#### Član 9.

Dobavljač ima pravo na produženje ugovorenog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

4

## NAKNADA ŠTETE

### Član 10.

Ako Dobavljač zakasni sa isporukom robe/pružanjem usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa isporukom robe/pružanjem usluge iz razloga koji nisu obuhvaćeni članom 8. ovog Ugovora, Ugovorni organ će Dobavljaču plaćanje po fakturi u kašnjenju umanjiti za 20 %.

### Član 11.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Iznos obračunatih penala po osnovu zakašnjenja u ispunjenju ugovorenih obaveza i naknade prouzrokovane štete iskazane kroz novčano potraživanje, međusobno se ne isključuju.

## PRESTANAK UGOVORA

### Član 12.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Ukoliko ugovorne strane ne potpišu Ugovor na istovjetan datum, danom stupanja na snagu ovog Ugovora ima se smatrati kasniji datum potpisa.

### Član 13.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvršava ugovorne obaveze
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u izvršenju usluge ili isporuci robe koje su predmet ugovora takvo da može dovesti u pitanje izvršenje ugovora.

Zbog zaostajanja u izvršenju isporuke robe ili pružanju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornog organu štetu u iznosu od 40 % od ukupne ugovorene cijene iz člana 5. ovog Ugovora.

### Član 14.

Ugovorni organ će raskinuti ugovor sa Dobavljačem ukoliko se ustanovi da pružena usluga koja je zadovoljila zahtjeve u ponudi, nije jednaka pruženoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20 %.



Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida

## OSTALE ODREDBE

### Član 15.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

### Član 16.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

### Član 17.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

## ZAVRŠNE ODREDBE

### Član 18.

Sastavni dio ovog ugovora su:

- Poziv za dostavljanje ponude za nabavku usluga otklanjanja kvarova i zamjena neispravnih dijelova na vatrodnojavnom sistemu broj: 03-08-DŽ.K.-20873-PDP-I/18 od 19.06.2018. godine
- Odluka o prihvatanju ponude broj: 03-08-DŽ.K.-20873-PDP-I/18 od 25.06.2018. godine
- Prihvaćena ponuda ponuđača broj: AP-006-2018-06-21 od 21.06.2018. godine.

### Član 19.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

PROTEAM D.O.O



Broj: 131-11-07-0001/U  
Datum: 11.07.2018

UGOVORNI ORGAN

ZAVOD ZDRAVSTVENOG OSIGURANJA  
KANTONA SARAJEVO



Broj: 03-08-DŽ.K.-20873-UG/18  
Datum: 10.07.2018. godine